

2009.9.
277
11-5

重慶海鹽縣圍經全

海鹽縣圖經重修序



憶過庭時聞先子述王父之言曰志乘之書汗牛充棟而世所稱善者指不多屈宋元以前流傳絕少無論已有明一代志乘著名不過數種如康太史武功縣志崔後渠彰德府志趙汝谷平涼府志薛提學浙江通志楊新都四川全志皆表表在人耳目而胡職方海鹽縣圖經實與之埒蓋縣名創自始皇幅員甚廣由漢迄明五次分析胡職方首列其圖復系之說使閱者開卷瞭然其善一也邑濱於海利害所關惟

海爲鉅倭寇之出沒狂瀾之潰溢三吳事同一體而鹽邑實當其衝胡職方提出戍海隄海二篇以明所重最爲得要其善二也明初設立衛所寓兵於農韋跗注與國始終者實繁有徒厥後把總參將隨時建置歷任旣不乏人紀功始垂不朽槩收官司篇中乃無遺憾其善三也至如分野附見輿圖踐更備陳役法迥異他志具見苦心善又不可勝舉夫以汗牛充棟之多而稱善以著名者落落如晨星亦可見作志若斯其難矣胡職方生於明季獨能以所著圖經

與諸先生並駕齊驅使武原之人文典故賴以
昭垂可不謂是邦之幸乎顧稱志爲圖經當時
猶有異議者知左圖右史原爲表裏山海經
水經注曰古况唐宋郡邑志書以圖經命
名者之載籍以數十計胡職方固有所本焉
爾豈閱覽博物如胡職方而以無稽之名貽後
人以口實乎哉余退而識之不敢忘今去胡職
方作圖經時已一百二十餘年板久殘缺存者
亦多漫漶周雪舫公祖初至我鹽卽有志於
此未暇以爲迨陞任去而其心猶惓惓焉與

王桐叔明府幸有同心遂共捐資倡率而邑人
亦樂輸恐後迺先以胡職方圖經重付剞劂無
復昔時殘缺漫漶之歎而流傳宇內俾共知是
書之著名實足稱善所由異於汗牛充棟者非
虛言也故樂觀其成而援筆爲序其緣起云
乾隆十有二年歲次丁卯

楊同進士出身

誥授通議大夫都察院左副都御史海昌後學陳世
倬撰

原序

今上之初元詔脩顯光二廟實錄於是內諸司暨外郡邑咸飭其掌故之籍埃詞臣采稽而海鹽令樊亢宗氏實先一歲有事邑乘至是適且告成謀未起功先集君子於於是乎覘全課匪獨一乘已也蓋亢宗氏之言曰邑自曩乙亥講乘事筆蠲不庚續餘五十年於茲匪前政有不皇昭慎重故余小子樛昧攝官沿革之弗紀而故實之靡稽亡論廢墜謂何已事奚視矣余小子敢弗勉則謀諸邑薦紳聞人與爲裁篇若方域若食貨若官師若人物若叢記仍厥舊而益

之以海事若戍海若隄海篇又二焉曰余在海言海先所有言不得今無先所無言不得不今有爾嗟乎其斯超軼前聞以勒成一家言爲取義之夫者乎海鹽在嘉靖壬癸中寇萬曆二亥中鹹潮矣邑於海患生於海也將民事與吏治無鉅此矣而往者戍政與隄程載筆實闕難猝發何稽焉以決策也侯是用補書之垂來范則義取其大也者乃余所詫云大不第此邑有藩邑海又何藩鄉者倭登邑轉掠內地盡驛騷而潮靡溢亦所不浸淫幾令吳諸郡化爲壑是邑之海東南與共海之邑亦東南與屏者也侯於鹽織

鴻靡弗述顧於海事尤兢兢百務之舉一務爲攝凡
所用止武於汛銷沴於溢者何一非東南百城芘而
斬以身所擘畫著程憲是又有戍若隄之補輯夫在
海治海匪一邑之海之治也則在海言海詎一邑之
海之言哉以斯爲大於取義洵義之大而非區區一
家言比者乎嘗聞之孔氏作春秋虎牢不繫鄴沙麓
不繫晉緣陵楚邱不繫杞衛若曰地險則天子之守
爾今天子惠顧東南安危寄之一海守地實在鹽矣
義之大春秋取之亢宗何多焉焉夫亢宗尊人友軒
公於余爲同年稱名御史御史古柱下掌圖籍方書

官也亢宗紹其家學修其吏事詢其舊典所至舉方
書聿新之守地之無忝司籍之不忘將忠孝又兼焉
矣余故勉爲序且請質友軒公謂何似賜進士及第
光祿大夫柱國少傅兼太子太傅戶部尚書武英殿
大學士同知制誥經筵日講玉牒提調實錄總裁繡
水朱國祚撰

令於茲邑者山川之所經人物之所萃土田之饒乏
戶口之耗登武備之張弛官聯之繁省何一在可不
問然分符而仕者或未豫知縱知之或未周悉稍日
久而習矣又或量移而去於以籌度生民利病疆土

封域便宜不大有賴夫志乎哉武原浙之邊邑也距
大海而隣倭奴自秦以降熬沙澆白歷代遂爲沃壤
明興慮周海隅置帥置衛軍容始飭然計其地延袤
不能百里僅比古子男之國而賦役過中原劇邑國
初定鼎金陵此猶爲肘腋近地至成祖都北平漕運
黃河吕梁之險而尚須飛輓於東南諸郡邑武原之
征輸不損而費且倍徒焉祖制養兵不廢民一粒米
以屯與鹽相濟給今屯旣滋乾沒而鹽亦改輸折色
鎡積於無用而邊軍至不得食商以牟利骹法盜遂
因之闌出入不可禁止兩場轄於轉運司民更爲竈

曠區脫地幾萬畝卽下墾田之令而民牧不敢侵官
竈又甚貧賴民出稅以贍其役而煮海之餘無一民
霑其利轉運司所積貯雖鍼縷絲絲不能盡詰而稅
畝之正供又科其額以爲譏津者之賞譏津者至與
盜爲市而又以賞裨之是以私販多而愈不可禁上
與下交征軍與民並困而實歸於中飽之人戶口所
由不增而日減也土田所由可闢而莫耕也至衛有
屯帥有兵屯則隱占難究而兵復驕懦難清尺籍伍
符名按之不必缺而細察之投蓋超乘者可目而竟
也冒糈失伍者又不勝指而屈也是何也則軍失屯

而就銷民補兵而多濫也承平之朝可使積於無用
一旦有警何以應之況成化嘉靖間曾見告矣郭之
不殘者幸也斯兵也非湯國練之而令海不揚波者
哉是在良間帥加之意耳地不百里而五其員益之
以抱關委吏又率爲七是一邑而食於人者常十二
員也每一員而役者又幾百焉什一役而什九附之
是食於官者尚有限而食於民者爲無窮也丞之二
向也裁一而補一裁未見缺而補近冗矣巡之二舍
譏以爲緝譏有衛以代防而緝且與盜盜矣設官之
初意或不若是乎此皆邑之大利大害也然而非有

司之所能及也今海內騷動兵饑空虛恐武原不得
獨爲晏然之地當事大賢蒿目憂國而武原僻小又
不敢孤鳴以自達庶可托之空言以俟采乎若夫融
結之勝孕育之奇此其美自在邑非令於邑者所得
矜以飾其陋者也但數武原之鍾秀則大海襟其東
秦山帶其北沆瀣澎湃宜河伯之所望洋鬱律嗟峨
狀巨靈之所屬負劉誠意觀之而生羨致垂望於周
孔其人恨不得見今來將三百年矣後先輝映作述
重光開卷可得也舊志輟筆於神廟之三年歷今五
十載缺焉不舉前哲慎之余不敏承乏自愧無文而

亦不能不爲考信惜也商於天承彭師首爲贊允爰
求時獻共補缺文幸邑有名賢胡孝轅者抱經濟之
長才作文章之鉅手慨夫久軼哀集舊聞偕姚生叔
祥共摘鉛槧姚故羅九邱之富安一壑之貧方理笈
壯遊聞言停駕二賢同願此志遂成雖無狀奉官化
難調瑟然有人述古好溢書紳鐫金石之所未聞披
竹簡之所未綴前言往行坐翫怡心逸興幽棲臥遊
醒目縱未敢仰止步趨秩滿告歸亦將以陳說於父
兄師友不敢使人誚乎居其地而不知者云耳至若
補偏裒弊通變宜民則猶有待於後之能者天啟二

年歲次壬戌長至日賜進士文林郎知海鹽縣事黃
岡樊維城亢宗甫序

海鹽縣圖經目錄

卷一

方域篇第一之一

一之縣圖 并說

二之縣表

三之縣建置考

四之縣治城 有圖

五之縣坊鎮鄉圖 有圖

卷二

方域篇第一之二

海鹽縣圖經目錄

一

二〇四

六之 廢 學 巡檢司 倉 鹽課司

公館 急遞鋪 稅課局 陰陽醫學僧道會司
澤園 秩祀 公署全圖 縣署圖 儒學圖

卷三

方域篇第一之三

七之縣名勝譜 山水總圖 永安湖圖 譜

墓 祠宇 寺觀
橋梁 附牌坊

卷四

方域篇第一之四

八之縣風土記 記風俗物產種稻飼
蠶煮鹽捕海魚等事

卷五

食貨篇第二之上

戶口 附軍匠 竈戶

田土 利 附水

稅糧 兩稅舊額 今派徵條鞭銀米規則 附 加徵蠲除賑恤及預備倉積穀數 貢

卷六

食貨篇第二之下

役法 歷年編審里甲事宜 歷年愈審糧役事 宜 貼役 缺解 加徵減貼數 北運

條議 各糧聽儘緣由 塘長修塘事宜 糧長 修城不用民七緣由

雜費 人均徭未盡款 附保甲火夫事宜

課程 附市 船

海鹽縣圖經目錄

二

二五

鹽課 國初三場鹽課額 成化中二場本折額 嘉靖中一例折徵額 今離規兩場課額

并本縣包補銀行鹽 小票限獲私鹽等數

卷七

戊海篇第三 海寧衛圖 澈浦所圖 乍浦所圖 海寧衛海岸海洋設備圖 開設

一衛七所增設備倭把總浙西 參將水陸各營一切海防事宜

卷八

隄海篇第四 歷年修築捍海石塘 事宜并塘圖料價

卷九

官師篇第五之上

令長 丞尉 學職 監鎮 監稅 市舶

巡檢 鹽司 倉職

卷十

官師篇第五之下

武秩前代武秩

皇明海寧衛激乍二所各世

備倭把總 浙西參將 附
記歷代有事茲土著勲績
者 功臣封 帝女封

卷十一

人物篇第六之一

前代陸顧
二氏譜略

卷十二

人物篇第六之二

晉 梁 陳 唐 五代吳越

人物篇第六之三

皇明

海鹽縣圖經目錄

三

三十九

卷十三

人物篇第六之四

皇明

卷十四

人物篇第六之五

儒林 文苑 孝義 藝術
流寓 仙釋 列女

卷十五

人物篇第六之六

科 貢 國子生 承掾 武
科 封贈 恩蔭 供奉 外

寓科日
論贊

卷十六

雜識篇第七

祥災兵亂
諸項說

初天啟壬戌秋邑侯樊公以志事屬余與彭德符

以德符固謝余謝弗獲則引友人姚叔祥其事以
叔祥淹博通文情秀水屠君中孚編錄郡遺文多
所摭稽也其冬叔祥草人物志明年春又草官師
志各成十五六而侯復以邑藝文及志林屬叔祥
及鄭思孟叔祥又轉客思孟所謝志事而去余念
史乘家衆脫分撰淹歲月未若純出一手爲易就
遂杜門綴緝閱兩載得篇七卷一十有六合凡三
十六萬餘言而志成其叔祥官師人物初稿更定
蓋亦七八若夫孰開瑣事探自叔祥者明註簡中
無敢獵美以見余與叔祥同心探討其始末如此

是役也侯於文獻久遲遲未撰洵屬曠舉而余
謬承具草之責故雖未敢率略故實亦未敢率略
竣事云敢告後之續修者甲子秋七月朔日胡震
亨孝職識

海鹽縣圖經卷之一

方域篇第一之一


一之縣圖


凡土訓莫辨於圖土屢析尤非圖弗辨鹽故疆前湖
 汜後淞浦至寥廓矣五析之以有茲土日勤墉洫用
 啓我支社而本建之域聚關之盛仍無改初封爲東
 南緊望諸城冠豈非秦帝舊山作鎮不拔海王大國
 衆坎習輸美哉德險在我故足未標形要雄視區寓
 者乎爰因代次各繪其境之圖而系之說俾開卷者
 首曙合分之槩焉

海鹽縣圖經卷一

夏開刊

縣舊境圖





按海鹽古揚州南境東偏地禹貢揚州三江既入周

禮揚州其川曰三江三江松江居一今在縣舊境北

以證縣地為揚州最篤古矣春秋屬越舊志云屬吳

非是初吳與越成封地百里後增封八百里其壯則

平原平原者武原也即今海鹽是蓋吳以越地還越

猶未盡還之故吳王語文種曰越本與國千里吾封

之未盡其國其事具國語越絕吳越春秋三書知海

鹽為越本境無疑爾國語吳封越地廣運百里吳越

春秋云初封地百里後增封東

至勾甬西至橋亭南至姑末北至平原元徐戰國楚

天佑註云平原越絕書作武原今海鹽縣也滅越屬楚太史公以為楚有三此其東楚矣秦并天

下始置縣曰海鹽寰宇記云廣斥鹽田招望蓋取此
 義縣境兼今海鹽平湖及松江全郡地圖具如右以
 漢志列縣互攷之南越府北婁西山率東隔海岸餘
 姚上虞中更無他縣錯入從四郭測本域廣邈視矣
 星土吳斗分越牽牛婺女分今以屬越當為牛女分
 天文家州郡躔次會稽郡凡入牛一度屬越於天星
 政不謬爾漢志吳斗分越牽牛婺女分今野
一火度越自南斗一一度至須女七度
星紀於辰為丑吳越之分野
斗牽牛須女會稽入牛一度
度諸家說總不出此

析鹽官縣境圖



吳郡

未興


教義里

城

夾谷

上京

今海寧自赭山折口西屬紫峽東竝海至黃灣烏龍
 間舊名鹽官亦名海昌者本海鹽南境故地其分析
 難確定何年但追檢前後漢志無鹽官縣名至晉始
 志之當是吳時割置明矣舊唐書鹽官漢海鹽縣地
 有鹽官吳遂名縣蓋有所據也吳陸遜傳載孫權為
 將軍遜從權募府出為海昌屯田都尉領縣事此其
 析縣始證歟惟宋書以鹽官為漢縣非吳置詳權之
 為將軍在建安五年此時啓土江南尚襲稱漢名爵
 縣雖析自吳云漢縣宜也自臨安建外臺左輔欲無
 單才即不可無鹽官割餘頓佐都會不隄下邑已前



爲効焉爾 郡柳志引地志漢獻帝建安五年割海鹽
 置海昌又云吳大帝黃武四年析嘉禾海
 鹽二境置鹽官按吳之析海昌止以陸遜傳爲據於
 孫權之爲將軍遜之從軍府出領縣事約畧其時知
 在建安初定爲五年已見前度云黃武
 四年此時入魏又已六年去之遠矣

海鹽縣志卷一

新前京竹浦縣境圖

